

<b>119</b> 18. sept.	Vogsósar . . . . .	20 kr.
	Einholt . . . . .	20 —
	Fljótshlíðarþing (auk 20 kr. 5. apríl) . . . . .	20 —
	Knappstaðir (auk 20 kr.) . . . . .	20 —
	Þönglabakki (auk 20 kr.) . . . . .	20 —
	Grímsey (auk 22 kr.) . . . . .	20 —

Þessar tillögur eru hjer með samþykktar.

**120** — *Brjef landshöfðingja til prófasts sira Eiríks Briems um styrk til að leysa*  
18. sept. af hendi stýrimannspróf. — Með þessu brjefi var Sigurði nokkrum Sigurðs-  
sýni frá Vatnsnesi í Húnavatnssýslu, er prófasturinn hafði kennt stýrimannsfræði, veittur  
200 kr. styrkur til að leysa af hendi stýrimannspróf í Kaupmannahöfn, og prófastinum  
veitt 50 kr. þóknun fyrir að hafa kennt Sigurði undir þetta próf.

**121** — *Brjef ráðgjafans fyrir Ísland til landshöfðingja um kartöflufluguna.* —  
24. sept. Eins og sjá má af umburðarbrjefi frá innanríkisstjórnarherra til allra amlmanna í  
Danmörku, sbr. þ. á. Ministerialtid. A nr. 149, hefir kartöfluflugan gjört vart við sig  
viða á Þýzkalandi. Með því að eigi er uggvant eptir þessu, að hún kynni að flytjast til  
Íslands með þýzkum kartöflum, eruð þjer, herra landshöfðingi, þjónustusamlega beðnir  
að leiða athygli landsbúa að þessari hættu, og skora á almenning að segja hreppstjóra  
eða lögreglustjóra tafarlaust til, ef kvikindi þetta gjörir vart við sig, og fylgja brjefi þessu  
nokkrar myndir af því til útbytingar. Ef unnt er, skal jafnframt senda hreppstjóra eða  
lögreglustjóra nokkur sýnishorn af flugunni, og ber lögreglustjóra að gjöra tafarlaust ráð-  
stafanir til að eyða henni, og senda landshöfðingja sem fyrst skýrslu um, að flugunnar  
hafi orðið vart.

**122** — *Brjef landshöfðingja til amtmannsins yfir norður- og austurumdæminu um*  
5. okt. rannsókn á dýrasjúkdómum. — Jafnframt því að senda yður, herra amt-  
maður, skýrslur dýralæknis Snorra Jónssonar frá 9. desbr. f. á. og 23. maí þ. á. um  
rannsóknir hans á dýrasjúkdómum í Múlasýslum, bið jeg mjer tjáðar tillögur yðar, eða  
ef þjer skylduð finna tilefni til að bera mál þetta upp fyrir amtsráðinu, þá ráðsins um það,  
hvort amtið óski styrks úr landssjóði til þess að geta látið tjeðan dýralækni halda áfram  
rannsóknnum sínum næsta ár, og vænti jeg þá um leið að fá tilkynningu yðar um, hve  
mikið þje búast megi við, að amtið leggi fram í þessu tilliti.

Í sambandi hjer við skal þess getið yður til leiðbeiningar og til birtingar fyrir  
hlutadeiganda, að jeg sje mjer ekki fært að láta útborga að ári dýralækni Snorra Jóns-  
sýni neinn styrk úr landssjóði, nema því að eins að amtið geti notað aðstoð hans, þar  
sem alþingi bæði felldi frumvarp stjórnarinnar um skipun dýralækna og uppástungu  
frá mjer um að taka laun dýralæknisins inn í fjárlögin.

**123** — *Brjef landshöfðingja til amtmannsins yfir suður- og vesturumdæminu um*  
11. okt. verðlaun fyrir björgun úr sjávarháaska. — Samkvæmt tillögum yð-

ar herra amtmaður skal hjer með vinnumaður Ólafur Jóhannesson á Hlíðarhúsum við Reykjavík sœmdur 25 króna verðlaunum fyrir dugnað þann og snarræði, er hann sýndi við björgun nokkurra manna úr sjávarháská í aprilmánuði 1875. **123**  
11. okt.

Avisun á nefnda upphæð fylgir hjer með til þóknanlegrar ráðstöfunar.

— *Brjef landshöfðingja til stiptyfirvaldanna um húsaleigustyrk* við prestaskólann. — Samkvæmt tillögum stiptyfirvaldanna í brjefi frá 2. þ. m. veitist hjer með stúdent Morten Hansen, þó hann eigi heima í Reykjavík, 80 kr. styrkur af fje því, sem veitt er með 13. gr. B I b., fjárlaganna til húsaleigu handa lærisveinum prestaskólans, og eru stiptyfirvöldin beðin að hlutast til um, að nefnd upphæð verði borguð. **124**  
11. okt.

— *Brjef landshöfðingja til amtmannsins yfir norður- og austurumdæminu um hjónaskilnað.* — Með brjefi yðar, herra amtmaður, frá 30. ágúst þ. á. meðtók jeg bónarbrjef frá konunni Guðbjörgu Jónsdóttur á Tindum um skilnað að borði og sæng við bónda sinn Björn Eysteinnsson á Hurðarbaki, þrátt fyrir það, þótt hann hafi ekki fengizt til að fara þess á leit með henni. **125**  
11. okt.

Út af þessu skal yður tjáð til þóknanlegrar leiðbeiningar og birtingar fyrir hlutaðeiganda, að með því að ekki er borin fram önnur ástæða til hins umbeðna hjónaskilnaðar en ólíkir geðsmunir, getur ekki komið til tals að veita hann gegn vilja annars hjónanna.

— *Brjef landshöfðingja til amtmannsins yfir norður- og austurumdæminu um styrk til vjelasmíðisnáms.* — Samkvæmt tillögum yðar, herra amtmaður, í brjefi frá 30. f. m. hefi jeg veitt prófastinum í Eyjafjardarsýslu 200 kr. styrk úr landsjóði upp í kostnaðinn við að koma Jóni Árnasyni frá Skútum í verkvjelasmíðisnám, og hefi jeg samkvæmt beiðni prófestsins gjört ráðstöfun til að upphæð þessari verði ávísað Tryggva alþingismanni Gunnarssyni til útborgunar í Kaupmannahöfn, þegar hann um það snýr sjer til ráðgjafans fyrir Ísland. Þetta er tjáð yður til þóknanlegrar leiðbeiningar og birtingar fyrir hlutaðeiganda. **126**  
15. okt.

— *Brjef landshöfðingja til sýslumannsins í Skagafjardarsýslu um styrk handa kvennaskóla.* — Í brjefi frá 28. f. m. hafið þjer, herra sýslumaður, mælt fram með beiðni hlutaðeigandi forstöðunefndar um styrk úr landssjóði handa kvennaskóla, sem í ráði er að stofna í haust í sýslu yðar. **127**  
15. okt.

Út af þessu vil jeg með sjerstöku tilliti til þess, að sýslunefndin hefur veitt þessari stofnun 200 kr. þetta ár, hjer með leggja tjeðum skóla 100 kr. styrk af fje því, sem ákveðið er úr landssjóði til vísindalegra og verklegra framkvæmda. Býst jeg við, að sýslunefndin hafi hið nauðsynlega eptirlit með, að því fje, sem lagt er úr almennum sjóði til fyrirtækis þessa, verði varið samkvæmt tilætluninni, og mun jeg, undir eins og jeg er búinn að fá vottorð sýslunefndarinnar um, að skólinn sje byrjaður, ávísa nefndinni tjeðum styrk til útborgunar úr jarðabókarsjóði.